



KEMENTERIAN WILAYAH PERSEKUTUAN
Blok 2, Menara Seri Wilayah, Presint 2, 62100 Putrajaya
Tel: 03-8000 8000 Faks: 03-8889 7957
Laman web: www.kwp.gov.my

KENYATAAN MEDIA

UNTUK LIPUTAN MEDIA MASSA

KEMENTERIAN WILAYAH PERSEKUTUAN PERKUKUH JALINAN KERJASAMA STRATEGIK DENGAN PENGAMAL MEDIA

Kerjasama strategik antara Kementerian Wilayah Persekutuan (KWP) dan pihak media terus diperkukuh bagi memastikan maklumat sampai dengan tepat dan efektif terus kepada kumpulan sasaran. Ini termasuk hebahan mengenai program dan inisiatif KWP dan agensi bagi membantu mengurangkan beban rakyat ketika negara sedang berdepan dengan cabaran penularan pandemik COVID-19.

Cabaran ini merangkumi aspek sosial dan ekonomi termasuk kemiskinan, kesempitan hidup, akses yang terhad dalam bidang pendidikan, kesihatan dan peluang pekerjaan bagi golongan B40, miskin bandar dan asnaf di Wilayah Persekutuan. Golongan ini tidak dapat memenuhi keperluan asas seperti makanan, pakaian dan tempat tinggal.

Justeru, mereka ini perlu dibantu dengan pelbagai jenis kemudahan dan bantuan selain perancangan khusus agar mereka tidak ketinggalan. Pelbagai bantuan dan inisiatif yang telah dan akan KWP terus laksanakan bagi membantu golongan ini mencerminkan keprihatinan kerajaan sebagai usaha membantu mereka meneruskan kehidupan dalam situasi mencabar ini.

Inisiatif berbentuk bantuan diteruskan lagi pada bulan Ramadan menerusi Prihatin Ramadan yang dianjurkan Kementerian. Prihatin Ramadan ini diadakan bertujuan untuk meringankan beban perbelanjaan golongan sasaran, mengimarahkan amalah bersedekah melalui pemberian sumbangan kepada golongan yang memerlukan dan membina kesedaran masyarakat untuk lebih cakna dan prihatin membantu golongan kurang berkemampuan.

Saya juga ingin menzahirkan penghargaan kepada Kumpulan Media Prima melalui Tabung Kemanusiaan Media Prima NSTP yang menjadi rakan strategik program Prihatin Ramadan pada tahun ini. Diharap melalui program Prihatin Ramadan ini, pihak media dapat menguar-uarkan kepada orang ramai termasuk institusi korporat dan badan-badan bukan kerajaan (NGO's) untuk sama-sama menyumbang apa jua bentuk bantuan kepada golongan B40 di Wilayah Persekutuan Kuala Lumpur, Putrajaya dan Labuan.

Keprihatinan Kementerian tidak akan terhenti dan bertekad untuk terus membantu warga Wilayah Persekutuan demi memastikan kesejahteraan rakyat, kelangsungan perniagaan dan ketahanan ekonomi di bawah payung 'Wilayah Persekutuan Wilayah Prihatin'.

Tan Sri TPr. Annuar Hj Musa
Menteri Wilayah Persekutuan
4 Mei 2021